

Pɔli ka letere min ci

EFESI KAW

ma

Kitabu faamucogo

Yesu ta ciraden Pɔli ka nin letere sebe k'a ci Efesi lanabagaw ma; o wagati ra a tun be kaso ra Rɔmu. Efesi tun ye Azi mara ta duguba do ye.

Pɔli ta tagama sabanan na, a tun tora Efesi ka wagatijan ke. Mɔgo caman sonna Kibaro Diman* ma ka tugu Yesu ko. O ko, lanabaga dow sorɔra fana Efesi dugu kerɛfeyɔrow ra. Nin letere tun ka kan ka karan o yɔrow bee ta lanabagaw ye.

Nin letere ni letere tow te kelen ye, sabu nin letere konɔ Pɔli te lanabagaw jaraki ko do ra, nka a be nin letere sebe janko ka do fara lanabagaw ta lonniya kan, Kibaro Diman ko tan fan fe. O ka kan ka siyen min ta lanaya sira tagama ra, a be o ja gbeleya o siyenta ra, ko Ala ta sebgaya bena o deme ka se sorɔ (6.12).

Pɔli be Kirisita ni lanabagaw ta jɛnɔgɔnya cogo yira ni tagamasiyen saba ye:

Lanabagaw kera i ko furumuso, Kirisita kera i ko furoce.

Lanabagaw kera i ko farikolo, Kirisita kera o farikolo kunkolo ye.

Lanabagaw kera i ko bon, Kirisita kera o bon kabakuru folo ye.

A laban a be lanabagaw ladi, ko o ye tagama ka kapa ni Ala sago ye, ka jɔgon bonya, ani ka jɔgon kanu.

Kitabu konokow

Yesu Kirisita le ye Kisibaga ye (1–2)

Lanabagaw kera farikolo kelen ye (3.1–4.16)

Lanabaga ta jogokura ye kanuya ye (4.17–6.24)

Pɔli ta fori

1 ¹ Ne Pɔli, ne min kera Yesu Kirisita ta ciraden* ye ka kapa ni Ala sago ye, ne be nin sebe ci Ala ta mɔgo saninmanw ma Efesi, minw kera kankelentigiw ye, ka to Yesu Kirisita ta jɛnɔgɔnya ra. ² An Fa Ala ni Matigi Yesu Kirisita ye baraka don aw ra, ka hera ke aw ye.

Baraka min be sorɔ Kirisita fe

(Romukaw 8.15–17,28–30)

³ An ye Ala tando, an Matigi Yesu Kirisita Fa; ale le ka Nin Saninman ta barakaw bee di an ma sankolo yɔrow ra, Kirisita ta jɛnɔgɔnya koson. ⁴ Sabu sani dunupa ye dan, Ala tun ka an panawoloma ka ban ka an don Kirisita ta jɛnɔgɔnya ra, janko an ye saninya, jarakiyoro si kana sorɔ an na a ja korɔ. ⁵ Ala yere le tun konna ka o ko latige a ta kanuya koson, ko a bena an ke a denw ye Yesu Kirisita sababu ra; a sonna ka o latige, ka kapa ni a ta numanya ye. ⁶ A ka o ke, janko an ye a tando a ta neema bonya koson; a ka o neema ke an ye a ta mɔgo kanunin sababu le ra.

⁷ Yesu Kirisita jori baraka ra, Ala ka an kunmabo, ka an ta jurumun yafa, ka kapa ni a ta neemaba ye. ⁸ A ka o neema ke an ye k'a caya; an be hakiritigiya bee, ani lonniya bee sorɔ o neema baraka ra. ⁹ A sago tun ye min ye, a ka o gundo yira an na; a ka o latige a ta numanya koson Yesu Kirisita le baraka ra. ¹⁰ A tun ko ni wagati dafara, a bena o ke an ye; a bena sankolokonofenw ni dugukolokanfɛnw bee lajen jɔgon kan ka o bla kuntigi kelen korɔ, ka o kuntigi ke Yesu Kirisita ye.

¹¹ Yesu Kirisita le koson fana Ala ka an panawoloma ka an ke a ta ye; ale Ala min be fen bee ke ka kapa ni a sago ye, ale le tun ka o latige kakoro kabini wagatijan, ¹² janko an minw konna ka an jigi la Kirisita kan, an ye ke a tandobagaw ye, a ta bonya koson.

¹³ Ayiwa, aw fana ta kera ten; Ala ta Kuma min be can yira, aw ka o lamɛn. O Kibaro Diman* le ka aw kisi. Aw lara Kirisita ra minke, Ala tun ka Nin Saninman min layiri ta, a ka o di aw ma; o kera aw kan i n'a fo a boronɔ, k'a yira ko aw ye Ala ta ye. ¹⁴ Ala b'a fe ka kopuman minw ke an ye, Nin Saninman le ye o sarati ye; a ka o Nin Saninman di an ma. O le b'a yira an na ko mɔgo o mɔgo kera Ala ta ye, Ala be o kunmabo; o koson an ye Ala tando a ta bonya koson.

Pɔli ta Aladaari

(Kolobikaw 1.3–6,9–13; Filipikaw 2.9–11)

¹⁵ Ne balemaw, aw lara Matigi Yesu ra cogo min na, ani aw be Ala ta mɔgo saninmanw kanu cogo min na, o kibaroyaw sera ne ma. ¹⁶ O le koson ne be Ala daari, ka baraka la Ala ye aw ta ko ra wagati bee, ¹⁷ janko nɔrowtigi Fa Ala, an Matigi Yesu Kirisita ta Ala, o ye hakiritigiya di aw ma, ka a yere yira aw ra, janko aw ye a lon ka ja. ¹⁸ Ne be a daari ko a ye aw hakiri dayele, janko a ka aw wele ka jigiya min di aw ma, aw ye o

jigiya sɔɔ, ani Ala ka fennuman minw mara aw ni lanabaga tɔw ye, ko a b'a fe ka o di aw ma, aw ye o fenw bonya ni a caya lon. ¹⁹Ne be Ala daari fana, janko a ka baraka min di an lanabagaw ma ka kaja ni a ta sebagayaba ye, aw ye o baraka bonya ni a caya lon.

²⁰Ala ka o baraka yira an Kisibaga* Yesu le fe; a k'a lakunu ka bo saya ra k'a lasigi sankolo ra a yere kininboroyanfan fe. ²¹A k'a sigi masaya bee kunna, ani fangatigiya bee, ani sebagaya bee, ani kuntigiya bee; tɔɔ o tɔɔ be fo dunuɔa ra yan, ani tɔɔ o tɔɔ bena fo hali dunuɔa nata ra, Yesu be o tɔɔw bee kunna.

²²Ala ka fen bee bla a senw jukɔɔ, k'a ke lanabagaw ta jenkuru kuntigiba ye. ²³O jenkuru le ye Kirisita farikolo ye; a ta bonya ka o jenkuru fa, ka dunuɔa yɔɔ bee fa fan bee ra.

Ka bo saya ra ka don panamanyakura ra

(Kolɔsikaw 2.12–13; 3.1–3; Tite 3.3–8)

2 ¹Fɔɔfɔɔ aw tun sanin lo aw ta terenbariyakow ni aw ta jurumunw koson. ²Aw tun be tagama o terenbariyakow, ani o jurumunw le ra, ka kaja ni nin dunuɔa ta cogo ye, ani ka kaja ni dunuɔa fanga ta kuntigiba sago ye; mɔɔ minw be muruti Ala ma, o nin le be baara ke olugu kɔɔ. ³An bee fana tun be o sira le kan fɔɔfɔɔ; an tun be an farisogo diyanyakow le ke; an yere sagonankow, an tun be o le ke, ani ko minw tun be ben an yere ta miiriya ma. An ni mɔɔ tɔw bee ta cogo tun ye kelen ye; Ala ta dimi tun ka kan ka se an bee ma.

⁴Nka Ala ta hina ka bon kosebe; a ka an kanu ni kanuyaba ye; ⁵o koson wagati min na an tun sanin lo an ta terenbariya koson, a ka panamanyakura di an ma Yesu Kirisita ta jenɔɔɔnya ra. Ala ta neema le baraka ra aw kisira. ⁶Ala ka an lakunu ka bo saya ra ni Kirisita ye, ka an sigi ni a ye sankolo ra, Yesu Kirisita ta jenɔɔɔnya ra. ⁷A ka o numanya ke an ye Yesu Kirisita baraka le ra, janko wagati nataw ra, mɔɔw ye a ta neema ko lon, o neema min ka bon, ani a ka ca. ⁸Sabu Ala ta neema le koson aw kisira, o kera lanaya le sababu ra; o ma bo aw yere ra de, Ala le k'a di gbansan. ⁹A ma ke aw yere ta kewalew koson, janko mɔɔ si kana a yere bonya.

¹⁰An ye Ala ta danfenw le ye; a ka an dan Yesu Kirisita ta jenɔɔɔnya ra, janko ale yere Ala konna ka kewaleɔuman minw laben an ye, an ye ke o kebagaw ye.

Lanabagaw bee kera kelen ye

(Heburuw 10.19–22)

¹¹Ayiwa, aw ye aw hakiri to a ra ko aw tun ye siya were mɔɔw* le ye fɔɔfɔɔ. Yahudiya minw ko, ko olugu kenesigira, olugu tun be aw le jatera kenesigibariw ye, k'a sɔɔ o nɔ min be olugu farisogo ra, o ye mɔɔ boronɔ dama le ye. ¹²O wagati ra kɔni aw yɔɔ tun ka jan Kirisita* ra, aw ninyɔɔ tun te ni Izirayelimɔɔw ye, aw ninyɔɔ tun te Ala ta layiri ni a ta jenɔɔɔnyaw ra, jigiya tun te aw fe, Ala tun te aw fe dunuɔa kɔɔ. ¹³Nka sisan aw minw yɔɔ tun ka jan Ala ra, aw yɔɔ surunyara a ra Yesu Kirisita ta jenɔɔɔnya sababu ra, Kirisita jori baraka ra.

¹⁴Ale le ka hera ke an ye. Yahudiyaw ni siya were mɔɔw*, a ka olugu fla ke kelen ye. Juguya kogo min tun be an faran ka bo jɔɔɔn na, a ka o ci. ¹⁵A ta saya baraka ra, a ka sariya* ta cifoninw, ani a ta kolatigeninw bee ban. A ka o siya fla jen ka o ke siyakura kelen ye a ta jenɔɔɔnya ra, ka hera don o ni jɔɔɔn ce. ¹⁶A ka ben don o ni Ala ce ka o siya fla ke i ko farikolo kelen, gbengbenyiri* saya baraka ra, ka juguya ban pewu o ni jɔɔɔn ce. ¹⁷A nana hera kibaro diman fo aw yɔɔjanmɔɔw ye, ka hera kibaro diman fo yɔɔsurunmɔɔw ye. ¹⁸Sabu Kirisita le sababu ra, ni an kera siya min o min ye, an bee be se ka Fa Ala ta jenɔɔɔnya sɔɔ, Nin Saninman* kelen sababu ra.

¹⁹Ayiwa, o le koson aw te lonanw ye tuun, walama yɔɔ were mɔɔw, nka aw ni Ala ta mɔɔ saninmanw kera i ko jamana kelen denw; aw ye Ala ta somɔɔw le ye. ²⁰Aw kera i n'a fo bonba, min jusiginan ye ciradenw* ni ciraw ye; Yesu Kirisita yere le ye o bon kabakuru fo ye. ²¹Ale le baraka ra, bon kabakuruw be jɔɔɔn mina ka ja, ka ke Alabatosoba saninman ye, ka ke Matigi ta ye. ²²Ayiwa, Yesu ta jenɔɔɔnya ra, Ala ka aw lo jɔɔɔn fe ka aw ke i n'a fo bonba, ka aw ke Ala sigiyɔɔ ye, Nin Saninman baraka ra.

Kibaro Diman gundo yirara

(Kolɔsikaw 1.24–29; 2.1–3; Piyeri fo 1.10–12)

3 ¹O le koson ne Pɔli, ne kera kasoden ye Yesu Kirisita tɔɔ koson, sabu ne be Kibaro Diman* waajuri kera aw siya were mɔɔw* ye. ²Ala makarira ne ra cogo min na ka ne ke Kibaro Diman fɔbaga ye aw ye, sigiya t'a ra, aw yere ka o lon. ³Ala yere le ka o gundo yira ne ra; ne ka o le dɔɔnin fo aw ye ka ban ne ta sebe kɔɔ. ⁴Ni aw ka o karan, Ala ka hakiri min di ne ma ka o gundo faamu Kirisita* ta ko ra, aw yere bena o ye.

⁵Mɔɔ minw temena fɔɔfɔɔ, Ala tun ma o gundo yira olugu ra, i n'a fo a k'a yira cogo min na sisan a ta ciraden saninmanw ni a ta cira saninmanw na Nin Saninman* baraka ra. ⁶O gundo fle nin ye, ko Ala be fennuman minw mara a ta mɔɔw ye, Yahudiyaw ni siya were mɔɔw* bee bena o sɔɔ jɔɔɔn fe, ka jen ka ke i ko farikolo kelen; Ala ka layiri min ta Kibaro Diman sababu ra, Yesu Kirisita ta jenɔɔɔnya koson, o bee ninyɔɔ be o ra fana.

⁷ Ayiwa, ne kera Ala ta baaraden ye o Kibaro Diman waajuri le koson, ka kapa ni Ala ta neema ye; a ka o neema ke ne ye a ta sebgaya baraka ra. ⁸ Ne min ye Ala ta mogo saninmanw bee ra fitini ye, Ala ka o neema ke ne ye, ko ne ye Kibaro Diman lase siya were mogo ma, o kibaro diman min ye Yesu Kirisita ta naforo banbari ye; ⁹ a ko ne ye o gundoko yira kene kan, janko bee ye a lon. Ala min ka fen bee dan, a tun ka o gundo dogonin to, kabini dunupa ma dan folo; ¹⁰ janko lanabagaw ta jenkuu sababu ra, masayaw ni kuntigiya minw be sankolo yoro ra, olugu fana ye a lon sisan ko hakiritigiya be Ala fe fen bee ra, ani ko bee ra. ¹¹ Ala tun ka o kow latige kabini dunupa ma dan folo, ka na o ke an Matigi Yesu Kirisita baraka ra. ¹² Ale ta jengogonya le koson, an be se ka madon Ala ra ni jagbeleya ye lanaya sababu ra, siranya te ke an na.

¹³ Ayiwa, ne balemaw, toro min be ne kan aw koson, o kana aw fari faga; o ye aw ta kunkortasababu le ye.

Poli ta daariri kun ye Kirisita ta kanuya ko ye

¹⁴ O le koson ne be ne kinbiri gban ka Fa Ala daari; ¹⁵ ale le ye danfenw bee Fa ye, dugukolo kan, ani sankolo koro. ¹⁶ Ne be a daari ko a ta Nin Saninman* ye baraka don aw jusukun na, ka kapa ni a ta toro bonya ye, ¹⁷ ani ko Kirisita* ye sigi aw jusukun na lanaya baraka ra, janko aw ye to kanuya ra, i ko yiri liliw be don dugukolo ra cogo min na, ani i ko bon be lo a jusiginan kan cogo min na; ¹⁸ ni o kera, aw ni Ala ta mogo saninmanw bee bena Kirisita ta kanuya bonya lon, ani a janya, ani a dunya, ani a lo; ¹⁹ Kirisita ta kanuya min temena adamaden bee ta lonniya kan, aw bena se ka o lon, k'a to Ala ye aw jusukun fa o kanuya ra, fo ka aw wasa.

²⁰ Ayiwa, Ala le be se ka fen bee ke an ye ka teme an yere ta daariri bee kan, ani an ta miiriya bee kan pewu, a ta sebgaya sababu ra, o sebgaya min be an koro; ²¹ an ye bonya la ale Ala le kan lanabagaw ta jenkuu ce ma, Yesu Kirisita ta jengogonya ra, wagati bee, ani tuma bee! Amina.

Lanabagaw bee kera farikolo kelen ye

(Kolbsikaw 3.12–14; Romukaw 12.4–8; Korentikaw folo 12.4–31)

4 ¹ Ayiwa, ne min ye kasoden ye Matigi Yesu togo koson, ne be aw daari ko aw ye jija, janko Ala ka aw wele min kama, aw ye tagama ka kapa ni o ye. ² Aw ye aw yere majigi cogo bee ra, ka sabari jagon ye, ka muju. Aw ye jagon ta kow sonmina ni kanuya ye. ³ Nin Saninman* ka aw ben ka aw ke kelen ye cogo min na, aw ye jija janko o ben ye to aw ni jagon ce, ka hera to aw ni jagon ce.

⁴ Farikolo kelen le be yi, ani Nin Saninman kelen; Ala ka aw wele ka jigi min di aw ma, o fana ye jigi kelen le ye. ⁵ Matigi kelen le be yi, ani lanaya kelen, ani batizeri kelen. ⁶ Ala kelen le be yi, min ye an bee Fa ye; a be an bee kunna, a be an bee fe, a be an bee jusukun na.

⁷ Ala neemara an ye ka fen do di an bee kelen kelen ma ka kapa ni Kirisita* yere ta sebgaya le ye. ⁸ O le koson a sebera ko:

«A yelenna san fe,
a tagara ni mogo minanin caman ye;
a ka fenw di mogo ma gbansan^a.»

⁹ K'a fo ko «a yelenna,» o koro le ye di? O koro le ye ko a konna le ka jigi ka na fo dugu ma, dugukolo kan folo. ¹⁰ O ra, min jigira, ale kelen le yelenna fo ka taga teme sankolo yoro bee kunna, ka dunupa yoro bee fa ni a ta sebgaya ye.

¹¹ Ale le ka dow ke ciradenw* ye, ka dow ke ciraw ye, ka dow ke Kibaro Diman fobagaw ye, ka dow ke lanabagaw ta jenkuu korosibagaw ye, ka dow ke lanabagaw karanbagaw ye. ¹² A ka o bee ke, janko o ye Ala ta mogo saninmanw laben Ala ta baara kama, k'a to Kirisita farikolo ye baraka soro. ¹³ Ni o kera, lanaya baraka ra, ani Den min bora Ala ra*, o ta lonniya baraka ra, an bee bena ke kelen ye, ka ke mogokorobaw ye, ka se Kirisita yere ta dafacogo hakeya ma. ¹⁴ O cogo ra, an tena to denmisenya ra tuun, ka to ka fifa ka taga fan bee ra mogolafiribagaw ta karan fe; o be i ko fono, o be mogo lafiri ni o ta ceguya ye, ka o tugu o yere ko.

¹⁵ Nka ni an be can fo ni kanuya ye, an ta lanaya bena bonya cogo bee ra Kirisita ta jengogonya ra, ale min ye lanabagaw ta jenkuu kuntigi ye. ¹⁶ O jenkuu yoro bee kelen kelen sirinin lo jagon na ka ke farikolo kelen ye ale Kirisita le baraka ra. Ni farikolo yoro bee kelen kelen be a ta baara ke, farikolo bee lajennin be bonya o cogo le ra kanuya ra.

Lanabagaw ta tagamacogokura

(Kolbsikaw 3.1–16; Galasikaw 5.10–25)

¹⁷ Ayiwa, ne balemaw, sisan ne bena min fo aw ye k'a gbeleya Matigi koson, o ye nin ye: aw lanabagaw man kan ka tagama i ko siya were mogo*; olugu be tagamana ka kapa ni o ta hakirintanya le ye. ¹⁸ O hakiri finnin lo, Ala be panamanyakura min di, o ka o yere nin bo o ra o ta kolonbariya ni o ta jusukungbeleya koson. ¹⁹ A kera ten, maroya kise kelen te o ra tuun; o ka o yere bla marobariyakow ra, o be kojugu suguya bee ke, o te o yere mina.

^a4.8 Nin kuma fora Zaburu 68.19.

²⁰ Ayiwa, Yesu Kirisita ka aw karan min na, o te o ye! ²¹ Sigiya t'a ra, aw ka Yesu ko men, aw ka a ta karan lon, k'a lon ko can lo. ²² O ra, aw tun be tagama cogo min na fɔɔfɔɔ, aw ye o cogo dabra pewu; o kokɔɔw nege le be mɔɔw lafiri ka halakiri lase o ma. ²³ O koson aw y'a to aw hakiri ni aw ta miiriya bee ye yelema, ka ke kura ye. ²⁴ Aw ye tagama cogokura ra; o le bennin be ni Ala cogo ye; o ye terenninya ni saninyari ye, ka kana ni can ye.

²⁵ O koson aw ye faninya dabra, aw bee kelen kelen ye can fo jɔɔn ye; sabu an bee sirira jɔɔn na, ka ke jɔɔn farikolo yɔɔ do ye.

²⁶ Ni aw dimina, aw kana a to dimi ye aw bla jurumun na; aw kana a to tere ye ben ka aw diminin to^b.

²⁷ Aw kana a to Setana ye cogo sɔɔ ka aw kɔɔɔ.

²⁸ Ni do tun ye son ye, o tigi ye sonyari dabra; a ye jija ka baara ke a yere ye, baara min be se ka a nafa, janko ale yere ye se ka desebagato dow demɛ.

²⁹ Aw kana a to kumakanjugu si ye bo aw da ra. Kuma min be se ka do fara balemaw ta lanaya kan, kuma min be se ka mɔɔ mako na, ka baraka don aw lamenbagaw ra, aw ye o le fo.

³⁰ Aw kana Ala Nin Saninman* panasisi; ale le ye Ala borono tagamasien ye aw kan, ko lon do Ala bena aw kunmabo pewu. ³¹ O le koson aw ye jusumangboya ni dimi ni jusubo ni wɔɔ ni jɔɔnkɔɔfo bee dabra; aw ye juguya suguya bee dabra. ³² Aw ye kojuman ke jɔɔn ye, ka hina jɔɔn na, ka yafa jɔɔn ma, i n'a fo Ala yafara aw ma cogo min na Yesu Kirisita koson.

Lanabagaw ka kan ka tagama yeelen na

(*Tesalonikikaw fol 4.1–8; Korentikaw fol 6.9–11*)

5 ¹ Ayiwa, ne balemaw, aw minw kera Ala den kanuninw ye, aw ka kan ka ke Ala ladegibagaw le ye. ² Aw ye tagama kanuya ra i n'a fo Kirisita* yere ka an kanu cogo min na, fo ka a yere di Ala ma an koson, i ko sarakafen, ani saraka fagata min kasa ka di Ala ye.

³ Ayiwa, jatɔya, ani ko saninyabari suguya o suguya, ani natabaya, o tɔɔ yere kana fo aw ce ra; sabu o kow te ben Ala ta mɔɔ saninmanw ce ra. ⁴ A daganin te fana ko marobariyakuma ye men aw da ra, walama kumakunntanw, walama naganagakanw; o man ni. Aw ye baraka le la Ala ye. ⁵ Sabu aw ye la a ra ko mɔɔ o mɔɔ be jatɔya ke, walama ko saninyabariw, walama natabaya min ni joson be ka kan, o mɔɔw si nin te Ala ni Kirisita ta Masaya* ra.

⁶ Aw kana a to mɔɔ si ye aw lafiri ni kuma gbansan were ye, sabu o ko jɔɔnw le b'a to Ala ta dimi be se Ala kanlabagaw ma. ⁷ O koson aw kana don o mɔɔw ta jen ra fiyewu.

⁸ Fɔɔfɔɔ aw tun be dibi ra, nka sisan aw be yeelen na, Matigi ta jɔɔnɔya ra; o le koson aw ye tagama i ko mɔɔ minw be yeelen na. ⁹ Sabu minw be yeelen na, olugu be numanya ni terenninya ni can sira le tagama.

¹⁰ Ko minw ka di Ala ye, aw ye jija ka o faranfasi k'a lon. ¹¹ Mɔɔw be ko nafantan minw ke dibi ra, aw kana aw sen don o kow ra fiyewu; nka aw ye o kewalew fo kene kan. ¹² Sabu o mɔɔw be ko minw ke dogo ra, o kow fɔri yere be maroya bla mɔɔ ra. ¹³ O be min kera dogo ra, ni o ka fo kene kan, o ta jogo be yira ka gbeya; sabu ni fen o fen ka yira kene kan ka gbeya ka ban, o be yelema ka ke yeelen ye. ¹⁴ O le koson a fɔra ko:

«Ele min be sunɔɔra, i kunu!

I kunu ka bo suw ce ra,

Kisibaga* bena yeelen bo i ye.»

¹⁵ Ayiwa, aw ye aw yere kɔɔsi ka aw tagamacogo lon. Aw kana ke hakirintanw ye, nka aw ye ke hakiritigiw ye. ¹⁶ Ala be wagati min di aw ma, aw ye o ke ka baaranuman le ke; sabu bi ta terew man ni. ¹⁷ O koson aw kana ke hakirintanw ye; nka Matigi sago ye min ye, aw ye jija ka o lon.

¹⁸ Aw kana dɔɔ min ka panamini; o be mɔɔ bla kojagamininw le ra. Nka aw y'a to Nin Saninman* ye aw fa.

¹⁹ Aw ye jɔɔn ladi ni Zaburuw kitabu donkiriw ye, ani Alatandodonkiriw; aw ye o donkiriw la ka Matigi tando ni aw jusukun bee ye. ²⁰ Aw ye baraka la Fa Ala ye tuma bee, ani fen bee koson, an Matigi Yesu Kirisita tɔɔ ra.

²¹ Aw ye aw yere majigi jɔɔn ye Kirisita* pasiran koson.

Furuce ni a furumuso

(*Kolsikaw 3.18–4.1; Piyeri fol 2.18–25; 3.1–7*)

²² Ayiwa, musow, aw ye aw yere majigi aw ce w ye i ko aw be aw yere majigi Matigi ye cogo min na.

²³ Sabu ce le ye a muso kuntigi ye, i ko Kirisita ye lanabagaw ta jenkuu kuntigi ye cogo min na; lanabagaw kera i ko Kirisita farikolo, ale kera o Kisibaga* ye. ²⁴ O koson lanabagaw majiginin lo Kirisita ye cogo min na, musow fana ka kan ka o yere majigi o ce w ye o cogo ra, fen bee ra.

²⁵ Ayiwa, aw ce w, aw ye aw musow kanu i ko Kirisita ka lanabagaw ta jenkuu kanu cogo min na, fo ka a yere di ka sa a koson, ²⁶ janko k'a ko k'a gbe ni ji ye, Kibaro Diman* kuma baraka ra, k'a saninya. ²⁷ A ka

^b4.26 Nin kuma fɔra Zaburu 4.5.

o ke, janko o jenkuru nɔɔɔman ye lo ale yere na fe, nɔɔ si kana ke a ra, walama juguyɔɔ, walama fen benbari, nka a saninyanin ni a jarakibari ye sɔɔ.

²⁸ Ayiwa, cew fana ka kan ka o musow kanu o cogo le ra, i ko o yere farikolo. Mɔɔ min be a muso kanu, o tigi be a yere le kanu. ²⁹ Sabu mɔɔ si te a yere farisogo kɔninya. Mɔɔ be a farisogo baro, ka a janto a ra, i ko Kirisita ka a ke lanabagaw ta jenkuru ye cogo min na, ³⁰ sabu an bee kelen kelen be Kirisita farikolo yɔɔ do le ye. ³¹ O kosɔn a sebera ko: «Ce bena bo a face ni a bamuso kɔɔ ka nɔɔ a muso ra; o fla be jen ka ke mɔɔ kelen ye^c.» ³² Nin kuma ye gundoba le ye; ne be o fɔra ka Kirisita ni lanabagaw ta jenkuru ta jenɔɔnya le yira.

³³ A kɔɔ le ye fana ko aw cew bee kelen kelen ka kan ka aw ta muso kanu i ko aw yere, ko muso fana ka kan ka a ce bonya.

Denw ni o worobagaw

6 ¹ Ayiwa, denmisenw, aw fana ye aw worobagaw kan mina ka kapa ni Matigi ta kuma ye; o le bennin be. ² A sebera ko: «I fa ni i ba bonya.» Ala ta sariya* ra, min fɔra ka layiri fara a kan, nin le kera o fɔlo ye. ³ A layiri ye ko «janko i ye hera sɔɔ, ani ka sijan sɔɔ dugukolo kan^d.»

⁴ Ayiwa, aw faw, aw kana aw ta denw lamuruti; aw ye o lamɔ ka na, ka o koro, ka o ladi ka kapa ni Matigi ta kuma ye.

Baaradenw ni o kuntigiw

⁵ Aw baaradenw, minw ye aw kuntigiw ye dugukolo kan yan, aw ye olugu kan mina, ka baara ke o ye ni nasiran ni bonya ye, ani jusukungbenin ye, k'a ke i n'a fo aw b'a kera Kirisita* yere le ye. ⁶ Aw kana baara ke o na kɔɔ k'a ke i n'a fo aw b'a fe ka aw yere ko diya o ye dɔɔn; aw ye baara ke ni aw jusukun bee ye ka kapa ni Ala sago ye, i ko Kirisita ta baaradenw. ⁷ Aw ye baara ke ni aw jusukun bee ye, i n'a fo aw b'a kera Matigi le ye; aw kana a ke i n'a fo aw b'a kera mɔɔw le ye. ⁸ Aw k'a lon ko ni i kera mɔɔ o mɔɔ ye, jon o, hɔɔn o, bee kelen kelen bena a ta sara sɔɔ Matigi fe, ka kapa ni a ta kopuman ye.

⁹ Aw kuntigiw, aw fana ye aw ta baaradenw minako na; aw kana fariya o ma, sabu aw k'a lon ko aw ni olugu bee ta Kuntigi be sankolo ra; ale te mɔɔ bo mɔɔ ra.

Lanabaga ta kerekeminanw

¹⁰ Ayiwa, kuma laban ye ko aw ye baraka don aw yere ra, an Matigi sababu ra, a ta baraka banbari sababu ra. ¹¹ O ra, Ala be kerekeminan minw di, aw ye o bee don aw yere ra, janko aw ye se ka lo ka Setana ni a ta nanbarakow kere. ¹² Sabu an te siyen tara ni adamadenw ye; an be siyen tara ni Setana ta masayaw le ye, ani a ta sebayaw, ani a ta fangatigiya minw be baara ke dibi ra dugukolo kan, ani a ta jina minw sigira dunya kunna kojugu kama.

¹³ O le kosɔn, Ala be kerekeminan minw di aw ma, aw ye o bee ta, janko aw ye se ka se sɔɔ Setana kan wagatigbelenw na; aw ye a kere ka se fo a laban ma, o ko, aw lonin belen ye to aw no ra.

¹⁴ Aw ye aw yere laben ka a kɔɔ: aw ye can ke aw ta kurusijara ye, terreninya ye ke aw ta negederege ye, ¹⁵ Kibaro Diman* min be jususuma di, o waajuri ko ye ke aw jusu ra tuma bee; o ye ke aw sennasanbara ye. ¹⁶ Lanaya ye ke aw ta negebennan ye wagati bee; aw be Setana ta bije tasumamanw bee kɔɔ ka o faga ni o le ye. ¹⁷ Aw ye Ala ta kisiri ko ke aw ta negefugula ye, ka o biri aw kun na. Aw ye Nin Saninman* ta kerekemuru ta, min ye Ala ta Kuma ye.

¹⁸ Aw ye Ala daari Nin Saninman baraka ra tuma bee; aw ye daaririw, ani daaririgbelen suguya bee ke. Aw kɔni ye jija o ra yere le; aw kana o dabra. Aw ye Ala daari Ala ta mɔɔ saninmanw bee ye. ¹⁹ Aw ye Ala daari ne ye fana, janko ni ne ka ne da ye, Ala ye a ta kuma don ne da ra ka Kibaro Diman gundo yira mɔɔw ra, siranya kana ke ne ra. ²⁰ Ne ye o Kibaro Diman ta lasigiden le ye; o kosɔn o ka negejɔɔko don ne ra. Aw ye Ala daari ne ye, janko ne ye Kibaro Diman fo a fɔcogo ra, siranya kana ke ne ra.

Pɔli ta fori

²¹ Ayiwa, an balemace kanunin Tisiki, min ye Matigi ta baaradenuman ye, ale bena nin kow bee nafa aw ye, janko min be ne fe, ani ne be min kera, aw ye o lon. ²² Ne k'a lawuri a kama k'a ci aw fe, janko kibaroya minw be an fe yan, aw ye o lon, ani aw hakiri fana ye sigi.

²³ An Fa Ala ni an Matigi Yesu Kirisita ye hera ni kanuya di balemaw bee ma, ani lanaya. ²⁴ Mɔɔ minw bee be an Matigi Yesu Kirisita kanu ni kanuya banbari ye, Ala ye neema olugu bee ye.

^c5.31 Nin kuma fɔra Damina 1.27 ani 2.24.

^d6.2–3 Nin kuma fɔra Bɔri 20.12; Sariya 5.16.